





ル 5
3075
8





門 儿 5
號 3075
卷 8

丹徒楊榮譔

丹陽山

丹楊山晉書地理志丹楊山多赤柳在西也太平寰宇

記丹楊以邑界楊柳生丹為名故今字從木為稱案新唐書

丹陽郡在丹楊潤州類集天寶之後謂丹陽者潤州或曲阿非兩漢六朝之丹陽也

北岡在縣西北練湖上太平寰宇記輿地志云曲阿縣

雲陽地屬朱方南徐之境秦有史官奏東南有王氣在

雲陽故鑿北岡以厭其氣又吳錄云截其道使曲故曰

曲阿案今夾岡河道是

天子道寰宇記丹陽縣天子道漢賈山上書秦爲馳
道於天下東窮燕齊南接吳楚卽此道至順鎮江志
輿地志云吳孫皓求鑿道於杜野小辛卽厭王氣之
所

觀音山一名惠山在縣東北一里漕渠東岸

王士正同楊西印副使蔡裕若秀才夜登觀音山
眺曲阿後湖放歌我昨南渡登金焦鯨魚跋浪生
風濤更上君山俯震澤長江萬里窮秋毫五日探
奇興不盡曲阿城下來登高觀音山高高百尺星
辰羅列捫層霄懸崖絕磴挂猿臂崇巒疊嶂森松

毛山巔作亭瞰飛鳥湖光山色相週遭練湖一萬
六千頃勢與江海爭迢迢淵注渟著古所歎滄桑
磨滅非前朝風景不異謝郎死我來憑眺凌寒宵
長嘯空山答山鬼驚飛鷗鵲求其曹滄波混茫接
元氣有如孟水浮堂坳馮夷擊鼓百靈集金支翠
羽光飄搖是時月黑風怒號萬弩突射錢唐潮蛟
龍鼉鼉時隱見靈胥慘淡天吳驕高麗長山互鉤
帶六州一氣回斗杓楊公蘄黃昔開府坐清江漢
真人豪蔡生白皙美無度頗能飲酒歌離騷東吳
菰蘆有君輩力鞭巨石驅神鼉練塘一勺好棲託

結鄰未卜心空勞酒闌歌罷意惆悵烟江明日橫
輕舸

廣福院在山上舊曰觀音院宋治平末賜額為壽聖
隆興中改今名院有玉乳泉三字陳堯佐書嘉定鎮江志

銅鐘唐楊行密將安仁義鑄宋嘉定間郡守趙善湘
易去 一碧萬頃亭元至元中創吳潛書扁俱至順鎮江志

明丁鴻陽登觀音山亭詩絕巘孤亭許醉登重湖
入望碧波澄帆移松頂隨飛鳥寺出林間覆古藤
烟雨萬家懸雉堞水雲千頃泛漁燈汲來玉乳茶
堪煮坐月談空欲共僧

縣城在山南至順志卽古簡州城址寰宇記山阿縣舊名雲陽屬朱

方南徐之境秦曰曲阿漢景帝四年以縣屬揚州王
莽改為風美縣梁為蘭陵縣唐武德二年置雲州五
年改為簡州八年州廢為縣復隸潤州天寶元年改為丹陽縣

城周三里東門在斜橋西門在縣治前南門在草堰北門在觀音山縣志
元初城廢明嘉靖二十四年知縣陳奎依舊址重築
越二年知縣史永壽增築延袤九里東門在麻巷小
東門在運河口南門在草堰小南門在新巷北門在
倉橋西門在縣治前闕水關二接內河跨漕渠
縣學 後漢書儒林傳包咸曲阿人少為諸生師事
右師細君習魯詩論語王莽末往東海立精舍講授

光武卽位迺歸鄉里太守黃讜遣子師之舉孝廉除
郎中建武中入授皇太子論語又爲其章句拜諫議
大夫永平五年遷大鴻臚 嘉定志祥符圖經載夫
子廟在縣治東偏慶厯中依廟建學

三賢堂在縣圃祠蘇丞相頌陳修撰東蘇居士庠嘉
定志令徐文度立蘇庠勉陳東赴京手帖在焉至順
志今遷於學之西廡

劉繇城元和郡縣志在縣西南二百四十步漢末繇
爲揚州刺史揚州舊理壽春是時已爲袁術所據故
繇來建城號令江南衆數萬人後孫策東畧繇奔豫

章

經山在縣東北三十里嘉定志云古所謂金牛之山王
莊定存有經山佛殿記都穆游名山記云輿地志謂漢
時金牛出山之東馳至曲阿鄉人柵斷其道名其地爲

柵口

崇教寺至順志卽經山院唐建宋治平二年賜今額

有雨華臺 舊嘗有僧講經于此 金牛洞 其洞皆石壁
天花散墜因以名臺 巖險奇怪洞
口纔可容身入則甚大中分三路漸入漸深一路直
入東南一路斜穿東向一路倒上山頂中有石座瑩
潔宛若
碁局

元薩都刺宿經山院詩山中酒熟蟹螯肥正是東

林月上時痛飲不知過夜半滿山風露下松枝

齊宣帝休安陵在縣北二十八里高帝父也追尊為

宣皇帝

案齊書帝諱承之

景帝道生永安陵在縣東北二十六里明帝父也追

尊為景皇帝

案景帝高帝次兄初封始安王卒諡貞

高帝道成泰安陵在縣東北三十一里

武帝頤景安陵在縣東三十二里

明帝鸞興安陵在縣東北二十四里

並元和郡縣志嘉定志

輿地志云泰安陵景安陵興安陵在故蘭陵東北金

牛山其中邱埭西為齊梁二代陵隧口有大石麒麟

辟邪夾道有亭有營戶守典之四時公卿行陵乘解

猛自方山由此入蘭陵升安車輶傳驛置以至陵所

案梁代陵在東城蕭塘諸港側近金牛山詳後

唐扶陽王桓彥範墓在經山上德鄉

新唐書本傳彥範字士則潤州

丹陽人以門蔭調右翊衛張柬之將誅易之等以為羽林將軍彥範斬易之中宗復位以為侍中封譙郡

公扶陽郡王武三思誣殺之睿宗即位追復官爵諡忠烈

宋江淮都發運使邵飾墓在山下彭泉村

京口耆舊傳邵飾字

夫華丹陽人大中祥符元年進士充三司鹽鐵判官除江淮都大發運使

龍圖閣直學士邵必墓通判邵約史墓樞密邵亢墓

並在山下尚德鄉耿岡

京口耆舊傳必字不疑寶祐元年進士知諫院權三司使

加龍圖閣直學士知成都卒于道又約史字公言
以恩補將作監主簿太常寺奉禮郎通判秀州卒
又亢字興宗再試開封府皆第一范仲淹以茂才異
等薦試崇政院入等除建康府節度推官遷龍圖閣
直學士知開封府拜樞密副使薨諡安
簡亢立朝與叔父必齊名世稱二邵

安撫邵彪墓在山下尚德鄉瓜渚村京口耆舊傳彪
字希文宣和三

年進士辟江淮招討使知泰
州移楚州兼營內安撫卒

直秘閣知盱眙軍俞長吉墓在山下京口耆舊傳俞
康直丹徒人父

希言自歙之黟縣來居其從祖獻卿子希且亦徙丹
徒希且子向子長吉字幾先父任出官中法科隆

興初除直秘閣
知盱眙軍卒

贈秘閣修撰陳東墓在山下尚德鄉桐村宋史忠義
傳陳東字

少陽鎮江丹陽人以貢人太學欽宗即位伏闕上書
論蔡京梁師成李彥朱勳王黼童貫宜誅六賊高宗

相李綱去上書乞留綱而罷黃潛善汪伯彥會布
衣歐陽澈亦上書潛善激怒高宗乃與澈同斬于市

四明李猷贖其尸瘞之時年四十三越三年追贈承
事郎東無子官有服親一人及駕過鎮江遣守臣祭

東墓紹興四年加朝奉郎
秘閣修撰官其後二人

保信軍節度使解元墓至順志在壽安鄉下邳宋史
本傳

元字善長保安軍德清若人建炎三年隸大將韓世
忠麾下權偏將紹興十年世忠為樞密使以元為鎮

江府駐劄御前諸軍都統制以統其眾
明年授保信軍節度使卒贈檢校少保

李家山在經山東五里

宋成都轉運判官王揚英墓在山下京口耆舊傳揚
英字昭祖丹陽

人宣和六年進士紹興八年為太常博士上中興十
儀遷著作郎兼吏部郎加直秘閣知眉州就除成都

轉運判官罷
歸以壽終

沈山在經山東七里

廣孝寺即沈山院一名處士庵至順志南唐吏部沈彬故居也

沈彬墓在山下

陸游南唐書本傳彬洪州高安人唐末浪跡湖湘隱雲陽山烈祖輔吳表

授秘書郎俄懇求還山以吏部郎中致仕彬嘗策杖郊原手植一樹識之語其子曰吾當藏骨于此及卒伐樹掘地至丈餘得一石槨製作精麗光潔可鑑蓋上有篆云開成二年壽槨舉棺就之廣袤中度

九靈山在縣東北三十里下有桃花澗

宋參政翟汝文墓在山下

宋史本傳汝文字公異潤州丹陽人登進士第紹興

元年除參知政事秦檜劾罷

雞籠山鍊銅山隨駕山彭山水漸山黃連山俱縣東北

三十五里

繡球山在縣東北三十八里

陳山武山管山周山鳳山眠山寶塢山俱縣東北四十里

許山倪山卯山金雞山勝金山俱縣東北四十五里

白雲山在縣東北五十里

固山黃泥山爛石山俱縣東北五十五里

白鶴山在縣西十里

白鶴三仙廟在山下廟有孫鍾灌瓜井山下鍾墓在焉幽冥錄孫鍾家貧奉母至孝種瓜瓜熟有三人來

乞瓜鍾設瓜及飯禮敬甚殷三人臨去謂鍾曰蒙君
厚惠示子葬地使連世封侯數世天子出門化白鶴
而去鍾後生堅堅生權權生亮亮生休案三國志孫
堅傳注堅世
仕吳家于富春葬于城東冢上數有光怪丹陽并墓
俗傳不足信又孫休傳休權第六子弟亮承統亮廢
迎休即位休蓋亮之兄此云亮生休
亦誤廣輿記鍾墓在桐廬烏石山

京口山水志卷十三

京口山水志卷十四

丹徒楊棨撰

丹陽水

練湖一名曲阿後湖水經注晉陵郡之曲阿縣下晉陳
敏引水爲湖周四十里號曰曲阿後湖元和郡縣志在
丹陽縣北百二十步周迴四十里晉時陳敏爲亂據有
江東務修耕績令弟諧過馬林谿以漑雲陽亦謂之練
塘新唐書地理志練塘周八十里與水經注元
和志不同世說謝
中郎經曲阿後湖問左右此是何水答曰曲阿後湖謝
曰故當淵注渟著納而不流語林褚公游曲阿後湖狂

風忽起船傾褚公已醉乃曰此舫人皆無可以招天譴者唯孫興公多塵滓正當以厭天欲耳便欲捉孫擲水中孫懼無計唯大呼曰季野卿念我太平寰宇記輿地志云曲阿出名酒皆云後湖水所釀故醇冽案湖上承丹徒高驪覆船山馬陵谿水色白味甘湖分上下上湖高於下湖下湖高於運河圖志所載屢廢屢復至國朝康熙十九年以上湖高阜處分一千餘畝給安置京口投誠人墾種餘聽徒陽二縣居民上價開墾自是上湖全廢下湖亦被附近居民開墾七千餘畝四十七年撫臣題請開復下湖所有報墾田畝地丁銀米在湖

勞民田各戶攤征 允行

東西斗門順瀆斗門湖上南北斗門湖下唐韋損置橫壩

石碓涇州石碓湖上姚婆石碓湖下亦唐有之宋熙甯中

重修令公函戴家函伍伯婆函張函堯函湖上胡頭函

洪家函新函蔡陂函觀松函龍城後函南石函秋雨

湖下皆舊置宋淳熙中重修至順鎮江志京口耆舊傳蘇京

紹聖中知丹陽縣因旱募民浚湖度地之宜易置斗

門十數以時潞洩公私兩便明史劉辰傳練湖三斗

門久廢辰修築之運舟既通湖下田益稔今上湖成

田惟存下湖函洞十及石閘四嘉慶中黎襄勤世序

來守郡撤上湖廢閘石重修

道人墩在湖中上有湖心亭康熙四十七年築

唐劉晏狀轉運使劉晏狀得刺史韋損丹陽耆壽等狀上件案圖經練湖周回四十里比被丹徒百姓築隄橫截一十四里開瀆口洩水取湖下地作田其湖未被隔斷以前每至春夏雨水漲滿側近百姓引溉田苗官河水淺又得湖水灌注租庸轉運及商旅往來免用牛牽若霖雨泛濫卽開瀆洩水北流入江自被築隄以來湖中地窄無處注水橫隄壅礙不得北流秋夏雨多卽向南奔注丹陽

延陵等縣良田八九千頃嘗被淹沒稍遇亢陽近

湖田苗無水灌溉所利一百一十五頃田損三縣百姓之地今已依舊障水爲湖官河又得通流邑人免憂旱澇奏聞中書門下牒浙西觀察使韋損勿使更令修築致有妨奪永泰二年四月十九日

李華練湖頌大蜡之祭辭曰土反其宅水歸其壑先王因下流而道之故曰九川滌源因迤漚而瀦之故曰九澤旣陂以疏天地之氣以利元元之用崇伯汨五行而殛羽山臺駘章大澤而封汾川洪範首之春秋載之地有廣狹事無古今大江具

區惟潤州其數曰練湖幅員四十里菰蒲菱芡
多龜魚螺蟹之產饜飫江淮膏潤數州其旁大
强家泄流爲田專利上收畝收倍鍾富極滌衍
丹陽延陵金壇環地三百里數合五萬室旱則
耜水則具舟人罹其害九十餘祀凡經上司紛
與奪八十一斷嗚呼曲能掩者强者以得之考
怨痛沉聲無告永泰元年大翦西戎西戎旣駭
生人舒息詔公卿選賢良先除二千石以江南
用所資首任能者是歲十月二十三日拜前常
刺史京兆韋公損爲潤州聲如飈馳先詔而至
人畏服男女相賀卽日上無貪刻下無冤憤公
知截湖濶壤災甚螟螣臨事風生指期以復羣
雷動山震恬然中明獨裁文之以禮乃白本道
察使兼御史中丞韋公元甫中丞撫掌愜心如
之謀且曰興利除害得其人而後行非常之政
歸叔父公乃申戒縣吏率徒闢之人不俟召呼
從役畚鍤蓋野濬臯成蹊增理故塘繚而合之
湖爲八十里像月之規鑄金之固水復其所如
巽射洶洶隱地雷聞泉中先程三日若海之瀾
灑灑如吞吐日月沉沉如韞畜風雨所潤者清

之族曰慈私初矢經州史素誘觀公敢拊廣鯨望原

隰皆春耕者飽憂者泰於是疏爲斗門旣殺其溢
又支其澤沃堵均品河渠通流商悅莫價人勇輸
賦遐邇受利豈惟此州每歲萌陰乘陽二氣相薄
大雨時行羣潦奔流水勢所入盈而無傷龍見方
雲稼蒙其渥時前相國彭城劉公晏統東方諸侯
平其貢稅聞而悅之白三事以聞詔書褒異焉彭
城公宣命至江南捧詔授公公率元僚掾史令丞
已下至於耆艾西向拜手祈戴皇朝人心上感天
降膏澤如有神祇昭協厥志公正直而和專靜而
斷嫉惡宥過惠人察姦純鈞精堅石鍊不耗伐冰

之貴降從士禮詩云靖其爾位好是正直宜其享
福也吏人入賀公拱而謝之曰尙書劉公觀察韋
公奉行王澤也鄙何力之有焉丹陽令杜孟寅秉
公之清白延陵令李令從如公之愛人金壇令胡
圮秉公之成規及丹陽耆壽周孝環百姓湯源等
拜首而請曰兌爲澤兌說也水歸於澤而澤說於
人百年浸塞而公啟之臣哉鄰哉克諧帝休永代
是式三縣無災若不碣而刻之王命不揚於厥後
後之人無以倚負也華嘗學古見訪爲頌頌曰望
泂泂兮視冥冥鳥閒魚樂葭菼生膏腴利倍起訟

爭斯人怨抑痛無聲韋公正直動神靈百年游淀
爲溲清飢者飲兮病者寔詔書光寵恩濡榮劃然
眊瞍復皎明追琢刻頌揚芬馨 南唐知丹陽縣
呂延禎奏其畧曰當縣有練湖源出潤州高麗長
山下注官河一百二十里當縣丹徒金壇延陵並
同潤臣讀石碑得聞湖利訪諸鄉老咸曰疇昔以
湖有爲故立碑于縣門其廢於今將百年矣當爲
湖日湖水放一寸河水漲一尺旱可引灌溉澇不
致奔衝其膏田幾逾萬頃環湖而居衣食于漁者
凡數百家有斗門四所泉前唐末兵亂之後民殘

湖廢安仁義取斗門餘木以修戰備自此近湖人
戶耕湖爲田後來弓量賦稱祖籍農桑失恃漁樵
失業河渠失利租庸失計民思復湖以禦災奈何
無所實力焉苟欲訪其利病則讀碑可知觀湖可
見臣頻承條制葺陂塘切度其湖爲利甚博遂爲
材役工于古斗門基上以土堰堰捺及填補破缺
處初謗議震動謂臣弗良圖且廢湖豐已者不十
餘家有湖無災者四縣之地臣明知利害獨如弗
聞自今歲秋後不雨河道乾枯屢放湖水灌注使
命商旅舟船往來免役牛牽當縣及諸縣人戶請

水救田臣並掘破湖岸給水如將久遠須置斗門
方得通濟其斗門木植須用椀柎乞給省場板木
起建狀下所司處分昇元五年十月四日 國朝
黎世序請修練湖閘隄啟其畧曰練湖仰受高驪
長山八十四汶之水湖分上下前人于上湖之東
建石閘四水以次達于下湖又于下湖之東建石
閘四水以次達于運河運河南有呂城閘奔牛閘
北有丹徒之南閘西閘夏秋水發則閉湖閘使無
旁溢冬春水涸下閉奔牛呂城閘使無下瀉其江
口之西南二閘潮來則啟板進潮落則下板蓄水
不足則啟湖閘放水以濟運此成法也湖之西又
有函洞十二冬春啟閘濟運夏秋啟函灌田民有
盜決湖隄者罪比殺人明季湖禁漸弛我 朝順
治九年巡按秦世楨奏明開復康熙十九年丹徒
鄉宦張鵬有廢湖墾田之議巡撫慕因請將上湖
高阜處分撥一千餘畝給安置京口投誠人墾種
餘聽徒陽縣民上價開墾自是上湖全廢下湖亦
被附近居民開墾七千餘畝山水不歸練湖由馬
陵一帶四處漫溢糧田動受淹浸及至旱年反失
灌溉四十七年巡撫于題請下湖仍留蓄水將報

五十三兩漕米二百

攤征濱湖之民以滿

百永久遵奉在案昨

日即查勘下湖偏近

用隄高六七尺列兩

隄村其西隄高四五

尺水缺口一二處隄

上湖業為升科孰

上有廢閘三乃上

北無函洞止長埂一

灌田者張官渡一村

南四惟第四閘完較

上湖廢閘石運修下

湖處埂外資水三百餘兩並據民稱

私自按田派夫修築

湖之西南計田四萬

萬工若得官為修閘

出已力無煩更籌經

越二閘下板蓄水外

南失修不惟運河高

啟

墾田

石在

欣然

居民

底高

外資

尺不

灌田

勘兩

于下

口四

南湖

石工

一切

皆資

出夫

夫四

夫修

伏查

板無

京口山水

卷十四

卽湖外數萬畝民田亦失灌溉茲居民願自築隄而修閘又止須銀四千餘兩此用費少而獲益多爲勞暫而爲利久也俯順輿情于民生漕務均爲有益 賀寬湖心亭記陽邑之有練湖也濱湖數萬田畝資灌溉焉匪湖卽歲歲歉矣而自晉迄今千三百年間廢而復復而廢者凡屢此曰官湖也吾得資其水以爲用彼亦曰官湖也吾得洩其水以爲田夫兩利不能並存則必權于多寡今練湖之興廢誠以利害之多寡計之卽盡上下兩湖全墾爲田爲畝不過一萬數千較民田之資灌溉者曾不及半此固不問而可以知湖之無可廢矣而惟墾田之徒常詭其辭于增課故其說偏易行而其事因以屢更而迄無所定先是康熙十九年請將上湖高阜召墾成田下湖低窪仍留蓄水未幾浸及于下湖蓋下湖一萬一千餘畝弊陞者已七千餘畝矣而湖閘久廢湖雖有水弗能蓄于是下湖所僅存之四千餘畝亦被私墾焉康熙四十七年 天子軫念東南水利飭修練湖四閘然後私墾者無所容其奸而大中丞于公因有全復下湖之請且請削除弊陞之賦額部議以下湖不可

不復而賦額不可削除也 天子是之飭濱湖
之用水田畝攤征焉著爲令夫 聖天子捐下
湖以與民且爲捐帑建閘費及數千金其蘇松常
鎮四郡水利之所關同時而議疏議築者捐帑且
十餘萬金也而豈賓賓焉計此纖微之賦額乎哉
顧以爲前之屢復而屢廢者由湖屬于官故爲人
所得爭今以此七千餘畝之賦責償于民田則官
與民交相維繫而貪利好事之徒雖欲詭增課之
說以爭而墾之更不可得從此湖永存而不廢計
田均賦每畝不及升許而歲以有秋穀可數石是

固斯民億萬載無疆之利也于是濱湖萬民築墩
湖心建亭于其上而請于蘇州太守長沙滄州陳
公大書萬世永賴之碑于亭之中將使子子孫孫
勿替引之以歌樂利答生成也而微臣生長茲邑
老歸田野慶桑梓之得所感 聖恩之罔極不
勝踴躍懼忭爰拜手稽首而爲之記

宋文帝曲阿後湖詩宵登毘陵路且過雲陽郢平
湖曠津濟孤浦迭明蕪和風翼歸采夕氛晦山嶠
驚瀾翻魚藻頰霞照桑榆 顏延之車駕幸京口
三月三日侍游曲阿後湖詩虞風載帝狩夏諺頌

王游春方動宸駕望幸傾五州山祇蹕嶠路水若
警滄流神御出瑤軫天儀降藻舟萬軸允行衛千
翼汎飛浮彤雲麗琬蓋祥飈被綵旂江南進荆豔
河激獻趙謳金練照海浦笳鼓震溟洲藐盼靚青
隄一系觀綠疇人靈騫都野鱗翰聳淵邛德禮旣
普會川嶽徧懷柔 唐權德輿侍從游後湖讌坐
詩絕境殊不遠湖塘直吾廬烟霞旦夕生泛覽誠
可娛慈顏俯見喻輟爾詩與書清旭理輕舟嬉游
散煩劬宿雨蕩殘燠惠風與之俱心靈一開曠機
乃少已疏中流有荷花花實相芬敷田田綠葉映

豔豔紅姿舒繁香好風結淨質清露濡丹霞無容
輝嫋色亦踟躕穠香射水木欹葉游龜魚化工若
有情生植皆不如輕舟任沿泝畢景乃躊躇家人
亦恬曠稚齒皆忻愉素絃激淒清旨酒盈樽壺壽
觴旣頻獻樂極隨歌呼圓月初出海澄輝未滿湖
清光照酒酣頰仰百慮無以茲心目暢敵彼名利
途輕肥何爲者漿藿自有餘願消區中累保此湖
上居無用誠自適年年翫芙蕖 又湖上晚眺呈
惠上人詩湖上烟景好鳥飛雲自還幸因居止近
日覺性情閒獨酌乍臨水清幾常見山此時何所

憶淨侶話元關 許渾重游練湖懷舊詩西風渺

渺月連天同醉蘭舟未十年鵬鳥賦成人已沒嘉

魚詩在世空傳榮枯盡棄浮雲外哀樂猶驚逝水

前日暮長隄更回首一聲鄰笛舊山川 又湖上

鷺絲詩西風澹澹水悠悠雪照絲飄帶雨愁何事

歸心倚前閣綠蒲紅蓼練塘秋 宋蔡肇練湖詩

春入池塘綠漲初蒲根水暖戲鷗鳧雜花開處自

深淺細雨漾空如有無風外鐘聲聞遠寺柳間帆

影出平湖冥搜竟日耽佳句不負宗生來畫圖

元薩都刺練湖曲練湖七月涼風通白水蕩蕩芙蓉

蓉紅芙蓉紅盡早霜下鴛鴦飛去何怱怱茜塘女

兒弄輕碧鳴榔聲斷無消息清波小藻出銀魚落

日吳山秋欲滴望湖樓上雲茫茫鳥飛不盡青天

長丹陽使者坐白日小吏開甕宮酒香倚闌半醉

風吹醒萬頃湖光落天影挂冠何日老江南短褐

綸巾上漁艇 又臘盡過練湖詩獨倚牙檣數客

程殘年風景促鄉情寒天半夜無人語明月滿船

聞雁聲湖上好山如有約烟中野樹不知名來朝

鳥鵲橋頭鬧應是人家出郭迎

永泰寺在湖上未詳創始寺有練湖亭唐張祐有詩

張祜題丹陽永泰寺練湖亭詩小檻俯澄鮮龍宮
浸浩然孤光懸夜月一片割秋天淺派殘沙草餘
波漂岸船聊當因澮畝披拂坐潺湲

梁武帝宅基在湖上塘頭村嘉定鎮江志帝嘗幸舊
宅井上梨棗兒時所植尙存

晉劉惔宅在湖上吳融過丹陽詩水連劉尹宅基平

晉書本傳惔字真長沛國相人也
與母任氏寓居京口累遷丹陽尹

唐權德輿宅在湖上德輿憶江南詩結廬常占練湖

春唐書本傳字載之禮部尚書同平章事東都留守
卒贈左僕射諡文嘉定鎮江志臯子居丹陽練塘

權德輿送少清赴潤州參軍因思練塘舊居詩二

紀樂簞瓢烟霞暮與朝因君宦游去記得春江潮
遠別更搔首初官方折腰青門望離袂魂爲阿連
銷 又待漏假寐夢歸江東舊居寄惠闍黎茅處
士詩十年江浦卧郊園閒夜分明結夢魂舍下藤
蘿通古寺湖中烟雨到前軒南宗長老知心法東
郭先生識化源覺後忽聞清漏曉又隨簪佩入君
門 又自揚子江歸丹陽初遂閒居呈惠公詩移
疾喜無事卷簾松竹寒稍知名是累日與靜相歡
蹇淺逢機少迂疏應物難只思閒夜月共向沃州
看

許渾宅在湖上丁卯集有詩

許渾懷丹陽舊居詩兵書一篋老無功故國荆扉
在夢中藤蔓覆黎張谷暗苔痕侵菊庾園空朱門
跡忝登龍客白屋心期失馬翁楚水吳山何處是
北窗殘月照屏風 又雨後懷湖上舊居詩前山
風雨涼歇馬坐垂楊何處芙蓉落南渠秋水香
宋王存宅在湖上存有宅在郡城登雲門內見嘉定
府志此蓋其舊居也

我謝父老言朴拙非所祈一官走塵土實迫寒與
飢去鄉未幾載頓覺儔侶稀人事已可嗟况當白
首歸泚泚練塘水綠楊蔭漁磯有田尚可耕誓將
父老依

王揚英宅在湖上京口耆舊傳揚英成都轉運判官
罷歸葺湖濱之居榜曰練水草堂逍遙其間

漕河自常州奔牛十八里至縣東之呂城鎮五十里徑
縣城又北流二十五里入丹徒界又四十五里達大江
新開運河明嘉靖間縣令李學道鑿演武場達內城
西壕徑南門合簡瀆出東門橋復入運河

雲陽橋在縣東

尹公橋在東門外順鎮江志宋劉宰建俗名賢橋

黃泥壩在縣北跨漕渠明萬歷中知縣尹良任建

光九年移建張守十里舊有石牯知府吳撫謙造道

雲陽驛在縣東

無數不相識萬歷中知縣周鼈移於西門外唐僧皎然詩行人

使館嘉定鎮江古雲陽古驛邊

蘇忠規建今廢在縣東五里面漕渠紹興丁卯令

普甯寺在縣南

咸康五年內史王有橋跨市河名寺前橋至順志晉

中賜今額

唐張祜宅至順

吉清河人愛丹嗜水石悉力致志在雲陽橋河岸有井處全唐詩小傳祜字承

張祜憶雲陽陽曲阿地築室卜隱性之不畜田產為身後計

春檻柳紅滿宅詩一別雲陽宅深愁度歲華翠濃

當因寤寐歸寂庭花鳥影垂纖竹魚行踐淺沙聊

故居詩憶昔恣浩無涯顏萱過張祜處士丹陽

已換當時主馬兒逐我兄曾拋竹馬拜先生書齋

可憐當路盡為壁空題故友名豈是爭權留怨敵

地征 芸卿柴扉草屋無人問猶向荒田責

宋洪擬宅 洪興祖宅在縣南城外河岸今其地有

洪家橋 宋史本傳擬字成季一字逸與鎮江丹陽人登進士甲科為禮部尚書遷吏部兄子興祖

與擬上封事位在位者俱罷起知温州卒七十五謚文憲 又儒林傳洪興祖字慶善登上舍弟為駕部郎官秦檜當道坐嘗作故韓園閣學士程瑀

論語解序語涉怨望編管昭州卒年六十六

陳少陽祠在縣北城外河崖

梁宏偃將軍墓蔡佑雜記丹陽縣北十八里地名石

羊子有牧童見雉入土穴中言其主人夏里正即穿

其穴乃一大豕碑云宏偃將軍墓梁朝人是時余官

京口日觀其事乃政和丁酉感也

呂城在縣東五十里方輿勝覽呂蒙所築今為呂城

鎮 呂城闢嘉定志四朝國史志云元祐四年知潤

州林希復呂城堰 案宋會要淳化元年廢呂城堰置上下闢以時啟

閉又四朝史會孝蘊傳紹聖中建言揚之瓜州澗之

京口常之奔牛宜易堰為闢役成公私便之 案奔牛

十八里每年糧艘畢入先閉奔牛闢後啟呂城闢以防水洩至今以為常 呂城夾岡二

斗門呂城石礎嘉定志紹興七年兩浙轉運使向子

謹置 泰定橋至順志泰定間重修呂城橋易名

王士正呂城雪霽詩雞鳴 呂城鎮日出市橋東雪

屋迴汀口烟檣出竹中鳥 飛皆貼水舟泛若乘空

古蹟成荒壘行行憶阿蒙 毛姓自呂城至丹陽

縣塗中詩仄阜高行緯沙田曲上舟醫魚交插篠
踏水自翻謳赭岸通橋店紅竿隱寺樓涼風吹濁
浪京峴已清秋

孱陵侯廟在呂城鎮卽吳將呂蒙祠

宋劉宰呂城廟詩呂公遺壘枕高岡落日西風草
木荒王氣懸知南國在不妨北面儼冠裳

葛仙祠在呂城鎮元薩都刺詩呂公城下葛仙家

宋竇從周墓在呂城東南京口著舊傳從周字文卿丹陽人朱公熹講道建陽

往從之潤之後輩鄉方實自從周始卒葬所居呂城之東南

九曲河在縣東北漕渠分流七十里入江

珥瀆在縣南七里流入金壇縣俗呼七里河瀆口有七
里橋明嘉靖中知縣來汝賢易名麥舟橋取范忠宣麥舟事

珥村在縣南四十里有珥陵橋黃堰橋相距十里

橫塘堰珥村堰並在珥瀆河相距十八里

宋湯東野宅至順志在珥村京口著舊傳湯東野字德廣丹陽人崇德間詔

對授忠義郎陞秘閣修撰靖康中知平江苗劉作難以功拜徽猷閣待制入爲工部侍郎

簡瀆在縣南五里至順志俗云晉諶母元君擲簡於此
唐置簡州以此瀆得名南通延陵一名香草河

草堰麥埤堰並在瀆上

仙臺觀在瀆上舊謂之黃堂道院嘉定志是爲諶母

飛昇之地謚母者字曰嬰常居金陵丹陽郡之黃堂
潛修至道

晉延陵廢縣在縣南三十五里今爲延陵鎮元和郡
縣志晉太康二年分曲阿之延陵鄉置延陵縣蓋因
季子以立名也又漢地理志季子所居在今毘陵本
名延陵至漢始改然今縣北見有其祠或當時采地
所及其地亦曰連陵

延陵季子廟在延陵鎮太平寰宇記延陵縣東北九
里一名嘉賢廟至順志宋元祐三年知潤州楊傑奏
賜額廟有沸井四詳後十字碑嗚呼有吳延陵君子

之墓十字宋歐陽修集古錄曰相傳以爲孔子書案
孔子平生未嘗至吳不得親銘季子之墓諸字特大
非古簡牘可容以傳之久不可廢故錄之元吾邱衍
學古編曰按古法帖止云嗚呼有吳君子而已篆法
敦古似乎可信今此碑妄增延陵之墓四字除之字
外三字是漢人方篆不與前六字合且音君字作季
字漢器蜀郡洗郡字半邊正與此君字同用此法也
以季字音顯見其謬比干墓前有漢人篆碑亦有此
說洪氏隸辨漢隸字源辨之甚明明趙嘏石墨鐫華
曰此書流傳已久故陶淵明季札讚云夫子戾止爰

京口山水志 卷一四
詔作銘唐張從申云舊石湮滅元宗命殷仲容模榻
大厯中蕭定重刻于石又有謂李陽冰學嶧山碑得
此而後變化者據此數說則真仲尼書也歐陽公疑
仲尼未嘗至吳且其字大非古簡牘所宜又有謂原
字止曰嗚呼有吳君子而延陵之墓四字后世妄增
卽黃長睿董廣川皆以爲疑卒未有敢定其真僞者
但淳化帖所收字小而鎮江石刻字大不倫不曉何
故 晉殷仲堪梁王僧恕季子廟二碑又唐張從申
書蕭定修季子廟碑記通志金石畧在潤州 顏魯
公向李太保大夫乞米帖并范仲淹題跋石本輿地
紀勝在延陵季子廟中

晉晉陵太守殷仲堪謁廟記君諱札吳王壽夢之
少子太伯十九代孫也封于延陵號曰季子周室
蘊累仁之基有吳開至德之祚緬元流以達會啟
靈祥于一廟泰三才之妙致挺斯文而在茲君性
資上善體極黃中蘊量淵岳爭明日月仁和陽春
之德志邈秋雲之高凝雪不足擬其潔南金無以
喻其貞夫老氏同王侯于三代仲尼以名器爲大
寶非道無以通物非德無以守位吳王知君之賢
思托社稷之重三昆同逝傳國而至百姓與仁厯

數在躬而君桎梏人役臭腐英華超然高謝退耕
別墅輕千乘于鴻毛易大業于脫屣昔太伯遐舉
以違親子臧宵駕以辭國其由王業之命有托義
嗣之主非已孰能踐圓機而弗叩撫歸運而長揖
哉自古皆有讓未若君之高者也若乃內難弗與
大存宗國會仁而不持道義而忘賢深情遠概超
名節之外潛功默運無涉世之累茲謂體道忘形
與人而已愈有矣觀夫羸博之達幾乎知命領音
悟契殆盡神功解劔徐君之墓亮至信于不言捐
金採薪之士表幽人之高情以一幽顯照達徽章

榮華不能干哀樂不能滯絕塵昭曠之境獨得神
明之肆逸矣哉清明高遠弗可尙已譬猶乘太虛
而升崑崙游青霄而佩日月英風澡俗遺德在民
雖復世經五代年積千祀而墳壟勿翦廟宇常存
有晉太原陳郡殷仲堪作守茲邦懷清塵于舊壤
訊越蹤于故老踐靈階以肅感厯竹柏而棲心緬
矣長思慨然永歎以爲聖賢雖遠神想可通影迹
雖滅風趣不泯使百代之下若見其人者非夫傳
旨文言寄興音味何以致茲乃研厲樹思爲之銘
讚命民薛玖採石而刊之其辭曰百王咸泊羣動

資競邈矣上哲含靈燭鏡脫羈塵路超逸元徑明
殆庶幾達侔知命眇眇秋雲皦皦宵月惟清惟虛
既高既徹亮茲默誠昧彼庸節言發信章功深累
絕情由道屬理以神通矧伊有感承乏茲邦一瞻
靈宇惆悵墳封乃刊元石傳想無窮俾爾後生濯
君高風 梁延陵縣令王僧恕謁廟記余領羣書
周求諸古古而爲讓在事多途乃或從天應命惟
允僉曰或推功有寄或授之以德茲皆天人之所
命亦以功德之宜興夫季子諱札者吳王壽夢之
少子故曰季子封於延陵太伯十九世孫也源同

紹吳系惟先哲積善餘慶風流實遠以君稟正靈
之獨秀詠微妙之困奇卓爾莫能變其操凝然無
以測其際山藏宏納何足累其曠冬日温美甯以
喻乎仁故讓乃先天安從物議攷績攸歸在躬弗
荷而志存高退不重萬乘惟保清約豈愧黃屋遂
乃逍遙於自得之場遨遊於江湄之畔社稷無失
舊業昆兄有冲遜之義宜跡遠會深降默語結信
咸衷懸劔樹杪指金樵採流德路端詳音察俗必
審風規之趣體物機照而情與神合至德哉無能
名矣甘棠勿翦知東周之美政廟宇修存信京吳

之流慶乃增重階以背岡開修道以臨溪松楊蔭
映秋草連綿四井地穴百沸天湧封朱表以旌衢
望綠碑而駢列但路由三吳川貫百雉人馬因亞
舟舸交接小人祈福君子欽風徬徨碑隧文鐫湮
沒陳郡殷仲堪以晉太康緝守毗陵刊碑立贊於
茲百祀夫金石可滅德音無朽自大梁開闢幽明
同體風流草偃天下齊心况乎作宰茲邑彌肅虔
情觀迹訪古苔石相昧瞻陞望室遺德若存惻焉
追悵傷哉川逝聊係述于前人乃立碑于路右伊
德無窮在言甯盡率陳承教用申贊銘其辭曰淳

風旣往澆波是務五典無恆四海爭赴惟此殊途
超然異路一人沖遜天下謙悟猷哉至德邈矣清
風逍遙遐聘遠鑒衰隆惠流于外信諒存衷超然
無累善始令終惟此神極靈德自天惟彼黎庶致
感修虔忝割茲邑憑政幽賢徒言無暢鐫刻乃傳
用刊碑石流響萬年 唐潤州長史高紹謁廟記
顧野王輿地志云季子名札吳太伯十九世孫吳
王壽夢之少子長子曰諸樊次子曰餘祭次日餘
昧次日季札諸樊立爲王且死立弟餘祭欲令兄
弟傳國以及季子餘祭餘昧卒立季札乃讓不受

退耕於延陵卽其采邑土人懷德爲之立廟云云
山謙之丹陽記季子舊有三廟南廟在晉陵東郭
外北廟在武進縣博落城西西廟卽此是也昔第
五倫爲會稽太守禁非正之祀宜歸於一故唯存
南廟而二廟被毀其後人間悉更復之南廟後有
古墓周處風土記韋陟先賢序殷仲堪季子碑皆
云此墓卽季札墓也墓前有季子廟碑者仲堪爲
晉陵太守造碑銘命縣人薛玖植碑于南廟至永
初中南廟被毀遷碑于西廟今廟前雙碑左廂者
卽仲堪所製右廂者梁天監十二年九月延陵縣

令王僧恕所建紹以開元七年自長安令左遷潤
州長史爰泊十年太歲壬戌因巡屬縣屆於延陵
與縣令吳興沈□同謁季廟申奠禮也慨靈廟之
歸然訪貞石而湮滅詢於廟祝因觀舊文雖殷王
二君共延陵而俱沒而前後雙製與高風而尙存
重鐫刻以懿之紀年月以顯之嗚呼來者觀此亦
何異乎夫子之大篆也 潤州刺史蕭定修廟記
有吳之興也太伯讓以得之有吳之衰也季子讓
以失之爲讓之情同而興衰之體異何哉太伯之
讓讓以賢也故周有天下而吳建國焉季子之讓

賢以讓也當周德之
 而讓之使宗祀泯絕
 解存而不知亡者矣
 死而不可卻終終而
 至其色鹽池斯鹹弊
 之世召力勝之戎讓
 明季子之見可謂知
 命亡而不失其正矣
 賢知世數之存歿挂
 貞故有吳之祀寂
 思至德興歎美之辭
 有微德仁兩至則去
 敬物鈞深致遠之旨
 哉是知讓之為德德
 國有祀典人懷永思
 如敬嚴乎閟宮別闈
 廟太伯之廟在于蘇
 武由典禮諒無取焉
 葬贊幣宜列于軒廂
 尊觀像者識賢人之

京口志 卷十四

衰而吳喪邦焉或曰非所讓
 而不血食豈曰能賢斯可謂
 天治亂時也興亡運也故至
 不可留黃河既濁阿膠無以
 卑不能匡其味與夫當濁亂
 與爭孰賢乎易曰知幾其神
 幾矣季子之明可謂知進退
 至於聽樂辨列國之興亡審
 勗示不言之信避國保無欲
 參而延州之響如在元風可
 哲人其萎表墓著嗚呼之篆
 子不復虛二歎焉詳其精義
 烏可究其津涯而窺其牆仞
 在于生靈不獨其子孫明矣
 定忝列藩伯欽崇懿範於以
 室之內外正衆神之序位舊
 臺而制季子之祠像設東面
 必也正名于是乎在祈報旁
 春秋禮薦俎豆當陳于正寢
 遐風可律審度者知經德之

三

禮秩無差末學陋詞不足頌其休烈寒來暑往敢用同于紀年時唐大厯十四年歲己未八月二十七日甲子記吳郡張從申書 宋劉宰延陵季子廟十字碑亭記延陵季子之邑季子遜國之節高天下廟祀爲宜故唐狄梁公盡毀江南諸祀獨此不廢庶前對峙二亭下覆穹碑新舊各一其文曰嗚呼有吳延陵君子之墓蓋舊者裂矣而新者代之相傳以爲夫子書書之是否不可知而歷代寶傳之必有自嘉定己卯春宰始與里中湯詠張汝玉汝升三山鄭甯來致敬周視庶間淫祀赫然而

亭獨壞喟然歎習俗之陋乃因友人王遂白府下縣鎮撤像設之不經者凡八十有四已乃合衆力屬鎮之士韋晰再葺兩亭晰好事勇于義鎮大夫上饒蔣丙又勸相之未幾告成俾識歲月宰嘗觀孟子論邪慝之害曰君子反經而已歐陽子之論釋氏亦曰當修其本以勝之然則二亭之葺豈徒以壽斯石而已哉吾黨之士必有能反三隅者

吳高陵亭侯韋昭墓寰宇記吳書云昭字宏嗣墓在

延陵縣西南去縣七里

案韋昭三國志作韋曜注史爲晉諱改之

晉執事左中郎將守太中大夫包君墓至順志在延

陵北一里有碣

散騎常侍贈太尉周府君墓至順志在延陵西北六

里有碣

案寰宇記止云周氏墓包氏墓此蓋依碣書官究不知爲何人

昌國寺在延陵鎮至順志唐大中初建寺有銅鐘上

鑄開元年號

雲陽東西城嘉定志輿地志云在故延陵縣今延陵鎮西三十五里與句容分界之處東西城相去七里並在瀆南二城卽吳楚之境也又唐圖經云西城有水道至東城而止並陳勳所立案建康實錄吳大帝赤烏八年使校尉陳勳作屯田發屯兵三萬鑿句容

中道至雲陽西城以通吳會船艦號破岡瀆上下一十四埭上七埭入延陵界下七埭入江甯界于是東郡船艦不復行京江矣晉宋齊因之梁以太子名綱廢破岡瀆開上容瀆在句容縣東南五里頂上分流一源東南流三十里十六埭入延陵界一源西南流二十六里五埭注句容界西流入秦淮至陳霸先又堙上容瀆而更修破岡瀆隋旣平陳詔並廢之則知六朝都建康吳會漕輸皆自雲陽西城水道徑至都下隋大業中煬帝幸江都欲遂東游會稽始自京口開河至餘杭

破岡瀆在縣西南半入句容界

長岡埭在瀆上雲陽七埭之一也南史王敬則傳永

泰元年敬則起兵朝廷遣左興盛胡松築壘于曲阿

長岡卽其地

附雲陽九里埭嘉定志未詳所在鮑照有詩

丁義瀆在縣南三十里通白鶴谿

唐皇甫冉皇甫曾宅在瀆口今其地有皇甫橋

新唐書文

藝傳皇甫冉字茂政與弟曾皆善詩天寶中踵登進

士累遷右補闕曾字孝常監察御史名與冉相上下

當時比張氏景陽孟陽云唐張繼皇甫冉宅對酒詩流落時相見悲歡共此

情興因樽酒合愁爲故人輕亂影花侵席斜暉月

過城那知橫吹笛江外作邊聲

直瀆在縣東五十里南畿志丹陽有直瀆孫浩所開

慶亭埭在瀆上元和郡縣志慶亭壘在縣東四十七

里本蘇峻將管商攻略晉陵郗道微以此地東據要

路北當武進故遣督護李閔築此拒之今置埭晉書

郗鑒傳鑒於丹徒立大業曲阿慶亭三壘拒蘇峻

案今

皆隸丹陽大業在曲阿北大業里三國志吳主傳建安二十三年權

將如吳親乘馬射虎于慶亭卽此地

白鶴谿在縣東南二十五里一名荆谿出於縣之古荆

城徑金壇縣北入毘陵界

荆城相傳漢荆王賈所築至順志有順佑王廟卽荆

王廟

丁橋在谿上至順志或云以令威得名

梁寶寺在丁橋西至順志梁大同間建

太霄觀在丁橋至順志亦大同間建本名靈應宋治

平中改今額

明知墊江縣荆偉墓在谿上

偉字元升邑人以鄉貢對策高等授墊江令獻

賊陷城不屈死

兵部郎中荆本澈墓在谿上

澈字謙之邑人崇禎甲戌進士以職方郎監下

江軍乙酉孤軍退保浙東總兵黃斌卿襲之遂被害兄本源二子沐滌皆死之

吳陵港在縣西十五里

吳高陵在港側

三國志孫堅傳注吳錄曰尊堅廟曰始祖墓曰高陵又孫策傳堅薨還葬

阿曲

東城港在縣東北二十五里

中邱埭在港側至順志埭西有齊梁二代陵口

梁文帝

武帝父

建陵在中邱埭西有碑題曰太祖文皇

帝之神道書作八分體

通志金石畧作宋文帝神道碑素宋文帝長甯陵在鍾山

蕭塘港在縣東二十五里

梁武帝修陵在港北皇基寺前

梁相國安豐縣侯蔡大寶墓至順志在修陵之北下山之陽至今曰蔡墓岡北史有傳

皇基寺至順志梁刺史王僧辯建唐改名皇業寺宋

名戒珠院志又云寺有梁碑巋然往來達官摹打紛紛寺僧厭之沈之於塘頭西村蕭塘橋之

南數百步水中

蕭港在縣東二十七里南至嘉山北通大江

梁簡文帝莊陵在港口寰宇記有麒麟碑尙存陵有

港名蕭港直止陵口大河

左墓港在縣南四十五里府志以近左恢墓得名詳見金壇荆城港

呂濱港在縣東南五十四里

馬嘶港在縣東北六十里

浦里塘在縣南五里三國志吳書濮陽興傳永安三年

都尉嚴密建丹陽湖田作浦里塘

越塘在縣南四十里石城鄉

晉司徒蔡謨墓至順志在石城鄉晉書本傳謨字道明陳留考城人領

司徒爲揚州刺史卒贈侍中司空謚文穆

萬頃洋在縣西南四十五里

清水潭在縣南斜橋

金鶯池在縣治內嘉定志夏竦初仕爲丹陽邑掾一日侍母燕坐見黃鸝雙舞而俱沒于地

發之得金鶯二母取瘞之祝曰天若賜夏竦願從明中來竦因築亭其上曰金鶯尋登制科後至者發地求鶯

京口山水志

卷十四

五

不可得
遂爲池

蓮池在雲陽驛中

唐許渾秋晚雲陽驛西亭蓮池詩心憶蓮池秉燭
游葉殘花散尙維舟烟開翠扇清風晚水泛紅衣
白露秋神女暫來雲易散仙人初去月難留空懷
遠道無持贈醉倚闌干盡日愁

延陵沸井四在季子廟前齊書祥瑞志延陵令戴景度
稱所領季子廟舊有涌井二所廟祝則云舊井北忽聞
金石聲卽掘深二尺得沸泉其東忽有聲錚錚又掘得
泉沸湧若浪至順志云騰涌驚沸二清二濁甯沸之聲


晝夜不絕又云毘陵志季子西廟有百井多涇廢

玉乳泉在觀音山張又新煎茶水記揚子江南零水第
一無錫惠山寺石水第二蘇州虎邱寺石水第三丹陽
觀音寺水第四揚州大明寺水第五吳松江水第六淮
水最下第七

白鶴泉出繡球山東行二十里入九曲河

玉龍泉在陳山至順志朱朱彥章詩巨靈擘兩山飛泉
擬白龍

京口山水志卷十四



東山先生
卷一
四

三

